

續修四庫全書



《續修四庫全書》編纂委員會編

續修四庫全書

上海古籍出版社

一四〇三・集部・別集類

定山堂詩集四十三卷	定山堂詩餘四卷（詩集卷二十二至詩餘卷四）	〔清〕龔鼎孳撰……………一
定山堂古文小品二卷		〔清〕龔鼎孳撰……………三〇九
陋軒詩八卷	〔清〕吳嘉紀撰……………	三八九
船山先生詩稿二卷	〔清〕王夫之撰……………	四三三
薑齋文集十卷補遺二卷	〔清〕王夫之撰……………	四九三
豐草菴詩集十一卷	豐草菴文集六卷（前集三卷後集三卷）	寶雲詩集七卷
		禪樂府一卷……………五六七
（豐草菴詩集卷一至豐草菴文後集卷三）	〔清〕董說撰……………	

定山堂詩集卷二十二

七言律詩七 八首

周靜香觀察之青州 二首

送陸吳州還海陵

和孝威題友人旅壁韻

寄姜滙思侍御時按視秦中茶馬 四首

故人子南還賦別 二首

壽聖秋同孝威賦 二首

和吳州晚登佛閣望西山

定山堂詩集

目錄

卷二十一

寄謝轅文督學 二首

夏象也之吳縣廣文

送徐亦史之驥沙 四首有序

壽孝威卽和其述感韻 二首

送宋太守之毘陵

寄懷李琳芝侍御

癸巳元日和孝威除夕慈仁寺守歲韻 四首

呂正始觀察之虎林 二首

袁丹旭出守姑蔑

羅篁菴學士請假南歸 二首

同年陰太峰給諫引疾還里 四首

總憲房海客先生予告歸里 三首

戴巖學司農出叅宛藩 六首

奉送張司空蓬玄年伯予告歸里

蕭五雲太守之廣陵

同年大司寇李五紘侍養歸里 二首

張玉調少司馬歸里 二首

吳岱觀之茗溪學博和胡菊潭宗伯韻 二首

定山堂詩集

目錄

卷二十二

王敬哉學士雨中招同宋玉叔吏部集飲舫

齋賦謝 二首

古心赴吳江學博任 二首

李梅公少司馬返八寶 四首

壽吳雪航大行

姜滙思侍御暫歸省親再疊舊韻 四首

玉叔自銓曹出觀察隴西 四首

送仲生視學江南和坦園學士韻

和聖秋雪後詩并招過飲

定山堂詩集
定山堂詩餘

二

〔清〕龔鼎孳撰

據北京大學圖書館藏清康熙十五年吳興祚刻本影印原書版
框高一八四毫米寬二八〇毫米

孫身之歸宛陵

鄒君可同年之商南令和雪航韻

寄懷周子玉長

寄胡蒼衡太守

和遂初病中吟

二首

歲暮爽鳩封印偶成

二首

長安初春同諸子賦

和聖秋長字

和伯紫初字

定山堂詩集

目錄

卷三

和彥遠安字

定山堂詩集卷二十二

定山堂詩集

姪嘉禧

淮南龔鼎孳孝升著

男士蘊全較

弟鼎範孝積訂

士稚

順治辛卯迄
丙申存稿

七言律詩七

周靜香觀察之青州

黃鳥聲邊送玉驄金臺蹀躞步偏工人逢公華如

醇酒履賜青齊表大風油幕壺歌明月夜仙山樓

定山堂詩集

七言律詩

卷五

閣海雲東卽看召虎猷方壯赤白探丸未易雄

其二

青雲意氣五陵游千騎東方在上頭妙技滄洲三

絕擅盛名梁楚一時收賓朋共愛安陽會河雒爭

稱元禮舟他日柴車過幕府可容從事索青州

送陸吳州還海陵

沙磧鴻飛不可留潞河晴日晚維舟士龍入雒名

原盛洗馬臨江意轉愁吾黨名山堪白首諸生太

學本清流歸呼海國煙霞侶玉案銓成勝拜侯

和孝威題友人旅壁韻

寺門垂柳入霜凋客緒飄零一葉潮
季子衣裘工抵掌休文身世薄
憐腰近傳杭稻江淮盡何日金錢宿舍饒
亂後神仙輕將相平津高閣幾烟銷

寄姜涯思侍御時按視秦中茶馬

霜捲滄沱萬木飛懷人愁對菊叢稀
雙魚字到頻加飯九月邊寒轉授衣
峰障隴雲迴玉笛心隨朔雁度金微
葡萄壓酒秋堪醉千帳涼州唱落暉

其二

定山堂詩集

七言律詩

卷五

天馬遙來西極清龍媒爭挾大宛名
金城謀自翁孫壯青海槎經博望平
破柱獨稱真御史披裘還憶故狂生
皂囊實倚安邊策南徼今秋盛料兵

其三

金門客難鬢先蒼玉塞聞歌君馬黃
萬里故人心尚爾一寒范叔古難忘
射聲校尉停鳴鼓屬國羌豪憚徙鄉
西望崆峒秋柝靜時平真擬薜爲裳

其四

何遜梅花寄玉盤謂漢源也秦關楊柳拂車寒
雄王角

已神羊折才子吟從落雁看龍戰幾時銷部黨魚
頰何計挽凋殘盈廷大有蒼生事樽酒還期話夜
闌

故人子南還賦別

掛劍蕭條失故歡九關風雨共南冠
天容李燮逃文網世爲將軍怨武安
入座虎賁眉宇在披裘燕市雪霜寒
滔滔末俗誰優孟倚瑟先歌行路難

其二

變徵聲高易水吟白虹猶識慶卿心
臧洪同日慙

定山堂詩集

七言律詩

卷三

蘭佩嵇紹傳家似竹林問樂已憐風會遠絕交終
望世人深英雄豈合掀蘆老江海蒼茫戰鼓沈
壽聖秋同孝威賦

頻持如意對雞籠紫陌重忻展齒通嶽色人行仙
掌上潭光家住衆香中狂來憤鼻堪呼酒春到蛾
眉早入官上苑卽今誇羽獵爭看駟馭擅秦風

其二

四海知名正盛年醉眠慵上曲江船
游平書入將車邸杜牧唵驚上客筵
龍臥金門占大隱鳳廻玉

琯羨游仙五陵花月旗亭侶爲爾珊瑚絡馬鞭

和吳州晚登佛閣望西山

微茫暮色辨山阿秋盡樓臺旅雁過望岫聊容青
眼放入門翻訝白雲多前朝古寺橫殘堞後夜清
霜被女蘿戰壘若銷江稻熟季鷹生事肯蹉跎

寄謝轅文督學

搖落盧龍歲欲闌天涯尺素問加餐爭傳楚澤雄
風賦一起綈袍朔雪寒金馬路猶同汎梗玉盤人
自佩芳蘭甘泉扈蹕思才子卿月卿雲掌上看

定山堂詩集

七言律詩

卷三

其二

詩題榕葉海雲東三歎朱絃曲倍工司馬書成消
渴後濬冲交重酒壚中雙珠并擁魚龍月一涕曾
揮鳩鵲風爲舒章今代文章歸幕府執鞭猶許故人

同

夏象也之吳縣廣文

長楊詞賦薄乘輅立馬儒官錦絡驕天際曉鴻辭
朔雪江南帆影動春潮琴開石虎花千樹杖倚垂
虹月一橋終信平津經術貴肯因微祿傲耕樵

送徐亦史之驪沙

亦史以承明著作才虎臥文苑其托揚風
雅非建安開元莫稱焉顧獨與余談詩甚
歡今一官南轅高李之袂且分安能不徘
徊歌黃鵠耶寒鐙濁酒與孝威各成四章
以代渭城之唱昔弇州公與汪司馬云吾
與公同年十年而得公文又十年而得公
酒可云晚合余於亦史其亦有歲寒之心
也夫

定山堂詩集

七言律詩

卷三

萬峰秋盡塞鴻紛江上君山喜屬君家學舊傳南
史筆謂勿齋先生宦遊不累北山文樓船月出閒津鼓
首蓂花開隱暮雲到日偉長中論就石渠名姓已
先聞

其二

談笑誰能解衆紛從來鉤黨盛三君百年膠漆思
雷義四壁江山有少文日麗朱琴揮白雪身閒絳
帳閱秋雲憑將幽夢呼猿鶴棋局長安不可聞

其三

連江碧草入芳臯賦就閒居緩二毛輕騎語難攀
孺子馴龍書勿絕山濤玉臺今代傳新詠璧月三
秋望大刀何限五陵衣馬色朔風無計慰同袍

其四

晴沙龍臥自神臯食春盤有澗毛季野四時藏
月旦徵君千頃靜風濤亂餘微祿蘭陵酒別後相
思金錯刀官舍未須愁繫馬漢宮鮮錦待江袍

壽孝威卽和其述感韻

靈均始降今何夕草具重斟醉後觴積雪方當明

定山堂詩集

七言律詩

卷三

月照青雲真讓客星狂名山嵒草千春碧虛館朱

琴五夜張漢殿黃金將買賦勿言才子倦遊梁

其二

條風漸欲轉皇州爲訝飛蓬歲月流一榻喜連徐
穉臥十年猶黑仲華頭錦驄金穴紛無賴短筑高
歌試強留鄧尉花開雙屐健芳辰重約醉西洲

送宋太守之毘陵

典郡猶堪起大名居然金馬薄遊情解嘲喙位過
千石臥閣江山冠百城盡歷雲霄餘感慨恐逢高

隱累經營乘輿暫避諸年少司隸重瞻殿上行

寄懷李琳芝侍御

犢車揮手悵離羣襟袖芳蘭忽御君同日書曾連
杜衆大呼廷尚儆朱雲滄洲落月懸千里旗鼓當
風振一軍宣室急籌前席對近傳天語索彈文

癸巳元日和孝威除夕慈仁寺守歲韻

甘泉日影動雲門膠漆心從邸舍論萬里歲華春
到眼一時江海客銷魂椒花謝臘愁偏續竹屋呼
燈晚不喧九域何年歡賜酺野夫相勸只芳尊

定山堂詩集

七言律詩

卷三

其二

桑乾霜色過吳鉤展到松關輿轉幽百尺元龍高
夜榻一江洗馬隔春愁何妨作客呼紅友眞羨還
家耐黑頭鄧尉官梅明聖柳儘教風物讓皇州

其三

鴟鵂寒銷雪霰餘拂龜重卜蒨蘭居交唯名士能
招隱計到容身勇遂初賴有伏雌春社酒莫嫌金
馬故人廬相逢大道珠鞭揖何地侯門敢曳裾

其四

中晉無煩集入宮弋人翻恐妬冥鴻豈虞文網連
三事親見朝廷怨老翁白石飯牛看世左青春結
伴許君同五湖煙月堪雄長不似平津有下中

呂正始觀察之虎林

鳳城飛絮玉驄驕目送吳帆遠上潮酒伴乍愁京
雒減宦情偏對碧山饒月高天柱秋開憶花漲西
陵夜度簫簫鼓莫驚松桂夢白鷗盟在短長橋

其二

春風畫戟耀江東開府名爭彩筆雄千里呂安征

定山堂詩集

七言律詩

卷三

駕後六橋白傅醉吟中官逢吳越輕津要客到湖
山屬鉅公總爲兩高淹謝屐金門還望舊游同

袁丹旭出守姑蔑

爲郎詞賦擅西京嚴叻初傳典郡名江海一麾分
手遠雲霄千騎上頭行爛柯花對青霞發臥閣人
如玉雪清高第卽前宣室席漢庭太守重公卿

羅篁菴學士請假南歸

三月垂楊拂御溝九河簫鼓縱扁舟香濃宮錦分
金馬揖近春江動白鷗送眼山川先北固關心師

友半南州露門稽古行重席虎幄宵衣有借籌

其二

絳帳虛陪國士名夔龍身已繫昇平卿雲乍繞羅
含宅愛日長懸李密情夾路啼鶯花霧濕過江水
鱸玉盤清蓬萊急望神仙履倦客烟波擬濯纓

同年陰太峰給諫引疾還里

春雨金溝柳色寒河梁清淚點雕鞍雁行天上晨
星少龍性人問畏路難三晉煙霞供伏枕五陵車
馬縱彈冠勿愁遠道芳蘭隔錦鯉重加別後餐

定山堂詩集

七言律詩

卷三

其二

家法君陵戒亢龍北山歸計得從容齊名李杜清
流傳揮手煙霄長樂鐘別墅圍棋花滿座中條采
藥月千峰何時雉網寬林翼卜築吾將躡屩從

其三

青瑣名高折檻年後生誰識直如弦絃弘血擬同
時碧杵曰心猶皎日懸人傑古來如處女急流今
始見神仙紛紜田實門前事可博中林一醉眠

其四

羣公猶似厭昇平直道何辭拂袖行王路久應銷
蒼蔚人竹海亦怨柴荆孤雲望岫悽雙鵠三月還
家報早鶯京雒倘容簪更盍銜杯佳句待陰鏗

總憲房海客先生予告歸里

獨持風采撼凝丞襖被蕭然遠燉增東國暫容居
赤舄南衙今已厭青蠅一時俗尚尊張禹往事官
庭憚李膺入幕笑看諸貴少可聞遺直耿朱繩

其二

百鍊高名保桂薑九霄車騎凜秋霜關西共信水

定山堂詩集

七言律詩

卷三

壺潔長孺能生禁闥光吾道古今同坎壈主恩
明白屬滄浪勿言疏傳黃金少恐累先生一鶴裴

其三

柳慢河橋春水明唱驪孤憤未全平百年黨錮留
名德一代風雲讓後生進履久爲黃石累賞音豈
必嬰桐鳴旋瞻出岫興雲雨多少孤寒待拂纓

戴巖學司農出叅宛藩

離樽又向鳳城偏惆悵長沙謫賈年避輦猶聞警
婉嬾當門誰許立蘭荃帷寒河嶽晴天濶筑散燕

雲落日懸芳草玉鞭心自折途危去住總風煙

其二

古巷飛沙過轎車高齋冰雪對吾廬壁連張儉應
鉤黨窮類虞卿各著書雙屐雨深花逕外一燈人
散曉鐘初那堪黃鵠春風遠腸斷天涯有索居

其三

雙旌宛宛出長楊征雁蕭蕭古戰場白水氣空低
舊壘浮雲人易老河梁幾時懶慢寬中散到處登
臨憶侍郎聞說此邦龍臥穩結廬還許傍南陽

定山堂詩集

七言律詩

卷三

其四

平津高閣徑千盤按劍何辭行路難白雪調憐朱
紱少青山春倚筆牀看江湖自可娛遷客風俗何
人薄好官嵩少花深煩駐馬車門冠蓋是長安

其五

十年霜雪共青蒲斜日銅駝散碧梧丹檻並時排
指鹿官雲分手悵啼鳥弟兄星漢雙蓬鬢天地悲
歌一唾壺虎觀佇前同異席戴家經術本名儒

其六

緣服貪趨河上舟九霄笳鼓下鳴騶建牙已識辛
開府生子能如孫仲謀開經碧紳黃也漢代公卿恒試吏
中原節鎮易封侯袞歸早振清流領有客滄江憶
白鷗

奉送張司空蓬玄年伯予告歸里

十年舊學領鵷班一疏高名得賜閒疏廣國門羅
祖帳恒榮經席動天顏君宗漸逐飛蓬盡管樂終
期曳履還蒲轍卽今虛左待可因絲竹戀東山

蕭五雲太守之廣陵

定山堂詩集

七言律詩

卷三

絳帳曾看玉笋抽青春露冕更并州香分雉尾人
千騎柳拂熊幡月一溝自古塞帷推妙麗卽今授
簡待君侯玉琴詩就匡牀靜爲報鶯啼十二樓

同年大司寇李五紱侍養歸里

寶雞長白兩完人蘭佩交公義更親對酒曲江花
照鬢同時貫索草生春松風宰相陶弘景鑑水神
仙賀季真樂踰三公身健舉濟南福澤勝西秦寶雞
爲黨于姜
大司農

其二

受鉞中原事已非黑雲壓陣戰旗歸平消歲月
金馬老看河山臥鐵衣長日板輿玄鶴擁後堂名
邵絳紗圍鄴侯天骨真霞表欲往從之歌采薇
張玉調少司馬歸里

不令世喜亦人豪神武冠投輟轉高過眼風雲爭
捷足搏空鷹隼正吹毛千花驛路迎仙侶三葉家
聲起佩刀祖帳賜金恩未薄拍浮時勿失林皋

其二

古道寧能末俗同况公雅尚託冥鴻全交每念嵇

定山堂詩集

七言律詩

卷三

延祖玩世無如張長公洛社酒香春倚杖藍田虎
過夜關弓重來曳履煩籌策羽檄西南有戰攻
吳岱觀之茗溪學博和胡菊潭宗伯韻

集賢文采動當時豈獨台州畫可師京國賓朋真

縞帶儒宮鐘籥古威儀帆過明聖鶯花晚夢到吳
興山水私蕭寺峩峩松百尺肯因回首憶形桴

其二

甘陵風雨事多端灝灝君從閉戶看藉草歌成同
擊筑鋤蘭憤至一衝冠龍蛇漫託金門隱旗鼓懸

推上將壇虎觀大名經術重勿言朝士愛申韓

王敬哉學士雨中招同宋玉叔吏部集飲舫

齋賦謝二首

白眼乾坤得草亭入門不異在郊垌林中舊雨逢
今雨天上台星卧客星老樹隔鄰浮晚碧蒼煙卷
幔過遙青東華同學紛冠蓋展齒偏容二仲停

其二

豈將黃閣易吾廬花竹經營計不疎曲檻水雲如
畫舫名山杖笠是奇書靈均香草當門盡安石蒼

定山堂詩集

七言律詩
十四

卷三

生捉鼻初浩蕩銜杯秋色動滄洲興已屬鱸魚

古心赴吳江學博任

經年歌嘯滿燕臺雨過桑乾玉轡催未信嵇康交
盡絕翻緣蔣詡徑頻開官閒似返山中轍情重能
勝病後杯屈宋豈須愁坎壈長楊扈蹕待雄才

其二

風雨論心二十秋辟書名始重諸侯地連豐沛知
人傑祿薄江山亦壯游駿骨圖懸千里價鱸魚香
動五湖舟窮交大有平津閣蘭珮輸君共白頭

李梅公少司馬返八寶

纔駕鋒車又賦歸青山未冷薜蘿衣道甘難進宜
江海天護餘生且蕨薇賜沐漸空神虎仗浮家未
卜釣魚磯扁舟穩趁桃花漲河上新巢乳燕飛

其二

折柳頻銷渭雨魂十年烽火共雲門孤心落日能
相憶往事深燈不易論御李有情堪白首攀嵇何
地續青樽南州師友平生重欲別重陳仗劍言

其三

定山堂詩集

七言律詩
十五

卷三

雲羅威鳳事難平黃鵠參差萬里情幾道軍書喧
絕徼一時棋墅負蒼生世當亂後難丘壑名重清
流勝甲兵天際星槎暫容與眼中逐客已承明

其四

玉案凝香咏四愁金堤明月接邛溝難堪芳草凄
仍綠一望浮雲鬢自秋硯染鏡臺春雪淨門臨蝦
菜晚潮收宵衣宣室方前席勿謂神仙勇急流

壽吳雪航大行

槐里飛書蹈虎辰九重親賜百年身謫依漢殿官

如客詩壓隋珠老更新高枕跡疑栖碧海銜杯語
勿及平津東方星隱堪游戲動色應思諷諫人

姜滙思侍御暫歸省覲再疊舊韻

晴沙行雁喜南飛酒伴懸愁筑市稀木脫三江星
外舫霜過九日客中衣難堪祖席歌黃鳥欲託幽

心到翠微秋色向殘先送別樓桑笳管正斜暉

其二 時有止息廼方即致太平之議故四句及之

新詩一扣玉琴清才子兼傳諫獵名着屐事堪私

歲月埋輪人果礙昇平魚龍萬竈秋煙冷蟋蟀孤

定山堂詩集

七言律詩

卷三

舟白露生迴首甘泉車馬地羽書消息未馴兵

其三

長河擊楫暮雲蒼吹笛千山塞柳黃世閱風煙何

日定道存丘壑幾人忘江鱸入饌娛消晝驄馬行

花得故鄉爭訝雲霄無坦步滄洲可妬客褰裳

其四

樂府迴風舞七盤清歌醉倚玉簫寒英游鄴下風

流盛畏路樽前涕淚看負弩雄文秦棧就射潮舊

壘越軍殘長楊春入金羈影莫遣啼鶯二月關

玉叔自銓曹出觀察隴西

河橋楊柳折殘時又見寒飈捲塞旗燕市乍看稀
白雪楚宮終古忌微辭賦成執戟雙旌遠事到傷
弓舉國疑應是秦州好風景玉帛吹送杜陵詩

其二

斜日愁登郭隗臺鳴珂霜壓渭城杯驪駒人漸中
原老鴻雁春從隴右迴名重轉因官避世途窮惟
仗帝憐才官雲勿訝仙盤隔高掌芙蓉二華開

其三

定山堂詩集

七言律詩

卷三

亂後論文共酒壚十年清夢半江湖波瀾喜接曹

公子 時秋岳方入都門 蕭瑟重憐宋大夫米湛玉壺留啓

事花翻羌笛擁征途心知班傅雄圖在無那應劉

旅興孤

其四

中朝部黨各紛紜履尾餘波一澣君風義西州真
皎日賓朋東閣亦浮雲難忘短筑愁中醉忍見幽
桐爨下焚渭樹不遮春望眼幾時宣室慰離羣

送仲生視學江南和坦園學士韻

酒人燕市語難稽秋草青門惜解攜帆落渚霜生
雁背鼎嘗文苑快駝蹄金甌字好標黃絹玉案名
應播白題愛有吳歛翻子夜藏烏柳色滿前谿

和聖秋雪後詩并招過飲

佳句忽傳青玉案依稀華嶺削芙蓉臥當京雒真
名士天與舊畬或老農淮北江南征旆合蒼梧殘
菊野烟封鏡臺勿戀雙蛾碧醉看西山雪萬峰

孫身之歸宛陵

布帆烟水又江東謝眺青山指碩中盡識元方交

定山堂詩集

七言律詩

卷三

道古何期洛下酒杯同當風白首悽瑤軫落日黃
河憶去鴻早縱金羈春草綠孫郎文苑足英雄

鄒君可同年之商南令和雪航韻

立馬秋原起暮塵遠心黃綺亦堪鄰全攜玉雪梁
谿水一濯風花郭杜春行路客懷辛似桂看人宦
味滑於蓴兵車滿地愁鴻雁莫遣文章著過秦

寄懷周子玉長

海嶠飛鴻雨雪深美人萬里到高吟簷花難共春
燈語賦草猶懸漢殿金故國黃塵雙鬢色楚江垂

柳十年心窮交玩世仍栖隱待爾狂歌慰陸沈

寄胡蒼衡太守

漢庭經術試扶風三輔名從執戟雄成鼓臥聞京
兆府賜衣春出建章宮卽今鴻雁欣安堵何日軍
輸罷急攻大業太平開倦眼敢煩折節到孤蓬

和遂初病中吟

風瀾幾載憶孤撐霄漢朋簪仗老成伏枕歲華愁
自遣積薪今古事難平普天金甲還窮戰何計春
田遂薄耕剗雪漸銷筋力健清歡準擬逐花生

定山堂詩集

七言律詩

卷三

其二

熱不因人骨自癯休裝安肯羨休儒驚心朝省曾
封事看髣乾坤各老夫日晏犢車幽巷滿春來鸚
酒故人扶勿因藥餌妨歌嘯我輩能堪禮法拘

歲暮爽鳩封印偶成

巾車凌曉踏霜行春動椒盤歲欲更朔客愁心迴
玉琯西山雪色照金莖天晴幽草雞竿下塵滿銀
章雀舌清不爲尚書期屢顧太平離亂總蒼生

其二

示雲司諸同志

爲郎詞賦滿燕臺熊館新瞻六校回天上衆星高
執法中原諸子舊論才仙曹豈礙梅花興何遜一稱法曹
薄宦能虛竹葉杯吏散不憂書牘背老懷今夕向
春開

長安初春同諸子賦 甲午

椒花寒盡迓芳辰節物蕭齋未盡貧冰雪到門俱
萬里風煙經亂又三春難忘碧草迴晴嶽不信深
樽隔市塵乞得閒身與明月此宵真屬太平人

和聖秋長字

定山堂詩集

七言律詩

卷三

藜牀清夢隔宵長開徑人過亦草堂彩勝暖從芳
袖覺幽吟寒對晚橙香卽知宮樹行珠絡猶記潭
花映玉觴金角罷鳴春展勇踏歌歡不似他鄉

和伯紫初字

花月春江夢不虛春星今已映前除狂容我法偕
嵇阮老閱交情驗耳餘周處臺邊遙夜雪慶卿筑
畔酒人廬韋祠紅藥金明柳聯轡還期解紱初

和彥遠安字

何能相見不更關玉案陰成况建安劒笋闌茶盅

苑早短簫長笛薊門殘馬過河朔憐衣薄人似松
雲共歲寒晞髮與寬煙輿綠肯因神虎滯黃冠

定山堂詩集

七言律詩

卷三